

**NO SOALAN :18**

**PEMBERITAHUAN PERTANYAAN  
DEWAN RAKYAT, MALAYSIA**

**DARIPADA : Y.B. TUAN MOHD RAFIZI BIN RAMLI  
(PANDAN)**

**PERTANYAAN : LISAN**

**TARIKH : 25.10.2017**

**Y.B. TUAN MOHD RAFIZI BIN RAMLI [ PANDAN ]** minta **MENTERI KEWANGAN** menyatakan perincian (bagi setiap tahun 2010-2016) pecahan jumlah kutipan cukai-cukai oleh LHDN mengikut jenis cukai dan ditunjukkan berasingan di antara kategori berikut iaitu cukai tahun semasa, cukai tahun bukan semasa, denda, serta faedah.

**JAWAPAN**

Tuan Yang di-Pertua,

1. Jumlah hasil Kerajaan Persekutuan dari tahun 2010 hingga 2016 adalah sebanyak RM1.4 trilion di mana hasil cukai berjumlah RM1.1 trilion. Hasil daripada cukai langsung yang dikutip oleh Lembaga Hasil Dalam Negeri (LHDN) kekal sebagai penyumbang terbesar iaitu

sebanyak RM766.8 bilion, manakala hasil cukai tidak langsung pula berjumlah RM333.2 bilion.

2. Pecahan hasil cukai langsung mengikut komponen utama adalah seperti berikut, jumlah kutipan cukai pendapatan syarikat sebanyak RM36.3 bilion bagi tahun 2010, RM46.9 bilion (2011), RM51.3 bilion (2012), RM58.2 bilion (2013), RM65.2 bilion (2014), RM63.7 bilion (2015) dan RM63.6 bilion (2016). Seterusnya, jumlah kutipan cukai pendapatan individu adalah RM17.8 bilion bagi tahun 2010, RM20.2 bilion (2011), RM23.0 bilion (2012), RM23.1 bilion (2013), RM24.4 bilion (2014), RM26.3 bilion (2015) dan RM27.6 bilion (2016). Berikutnya, jumlah kutipan cukai pendapatan petroleum adalah sebanyak RM18.7 bilion bagi tahun 2010, RM27.7 bilion (2011), RM33.9 bilion (2012), RM29.8 bilion (2013), RM27.0 bilion (2014), RM11.6 bilion (2015) dan RM8.4 bilion (2016).

3. Selain itu, jumlah kutipan duti setem adalah sebanyak RM4.2 bilion bagi tahun 2010, RM4.9 bilion (2011), RM5.6 bilion (2012), RM6.4 bilion (2013), RM6.5 bilion (2014), RM6.0 bilion (2015) dan RM5.7 bilion (2016). Seterusnya, jumlah kutipan cukai harta tanah (RPGT) pula adalah sebanyak RM0.3 bilion bagi tahun 2010, RM0.5 bilion (2011), RM0.6 bilion (2012), RM0.8 bilion (2013), RM1.2 bilion (2014),

RM1.7 bilion (2015) dan RM1.5 bilion (2016).

Tuan Yang di-Pertua,

4. Klasifikasi maklumat dan data berkaitan kutipan hasil cukai langsung yang dilaporkan dalam penerbitan rasmi Kerajaan khususnya oleh Jabatan Akauntan Negara dan LHDN telah ditetapkan mengikut komponen seperti yang dinyatakan di atas. Maklumat tersebut juga telah merangkumi cukai tahun semasa dan cukai bukan tahun semasa serta denda dan faedah yang dikutip oleh LHDN.